

over retractada se intendi et sii firma, come se la non fusse sta' nè depenata, nè retractata.

Non possano li banchieri nè altri, et sii chi esser si voglia, per se over per interposta persona, comprar, nè vender danari contadi con partide de banchi, sotto pena de perder tutto il danaro si contado come scritto; la mità de la qual sii del acusador et sii tenuto secreto; et l'altra mità sia de quello di Avogadori de comun che farà la executione; nè alcuno sanser, over mezano possa praticare tal mercati sotto pena de ducati cento per ogni partida facta contra l'ordine predicto, et de immediata privation de la sansaria overo officio che l'havesse per anni cinque.

*Demum*, siano ohligati tutti li banchieri presenti da mò a Marzo proximo 1524, haver renovate le piezarie sue per la summa de ducati 25 milia con li modi et condition sopra scrite; et medesimamente a quel tempo debano esser provati essi banchieri per questo Consiglio; et cussi *successive* de tre anni in tre anni come de li futuri banchieri se dice di sopra.

Et la presenta parte et execution sia commessa a li Avogadori de Comun senza altro Consiglio. 172. 2.

*1523, die 7 Julii, in Rogatis.*

El se vede manifestamente de quanta importanza sia el proveder a molti et varii desordeni e inconvenienti che *in dies* sono commessi et se fanno in le Doane nostre sì da terra come de mar, per li scrivani, soprastanti, masseri, stimadori, pesadori, fanti, bastasi et altri ministri de quelle per causa del tuor de le utilitate a loro spettante, perchè ne sono pur alcuni che, non tenendo a l'honor del mondo, nè a l'anima sua, toleno de più de quello è contenuto in le tariffe sue et quello li par, con non poco discontento et quasi desperation de' poveri mercadanti, che è *potissima* causa de deviarli et *præcipue* i forestieri, a grande ruina de i datii de questa cità. Però, et per honor de la Signoria nostra et beneficio de la mercadantia, essendo da invigilar et far che i mercadanti predicti non habino causa de dolersi, ma siano expediti et ben trattati, come è sta sempre intention de' mazori nostri,

L'anderà parte, che, per auctorità de questo Consiglio, sia preso et statuido che *de cætero* alcun scrivani, masser, soprastante, stimador, pesador, fante, bastaso, et cadaun altro ministro de le Doane nostre da terra non possi più scoder denaro al-

cuno per conto de le utilità sue da i mercadanti; ma questo ordine observar se debbi, che quando alcun mercadante vorrà trazer robe de Doana de terra, el scrivani che tien el conto di l' amontar dil dazio sia obligado notar sopra una poliza l' amontar de tutte le spese menude che occorrerà, spectante ai ministri particularmente, di una in una, secondo la forma de le tariffe novamente mandade per i Savii nostri sopra la mercadantia, et quella dar al mercadante che doverà exborsar el danaro, acciò el mercadante possi vedere el conto suo, et sapia quello el die pagar. El quel mercadante a quel medesimo Signor over cassier del officio che l' pagará l' amontar del datio, debbi *similiter* immanamente pagar l' amontar de dicte spese menude sì come l'haverà habuto in poliza dal predicto scrivani; et sia tenuto el ditto Signor e cassier meter i danari a diti ministri aspetanti in una caseta separadamente, et tener conto insieme con il scrivani in uno libro alfabetado, et dispensar le utilità sopraditte a cadauno de lor ministri secondo le tariffe sue, de settimana in settimana over secondo le necessità loro; sotto pena a quelli che ardiranno toccar nè farse dar denaro alcuno contra el presente ordine, de immediata privation del officio suo, et star mesi 6 in preson; et quello fusse accusador, habuta che se habbi la verità, possi intrar in loco del contrafacente. 135

Et perchè l'accade molte volte trazersi per mercadanti robe e altro in sì poca quantità, o de sì poca valuta, che l' amontar del datio è qualche miseria; et *tamen* convengono pagar *etiam* tutte le spese menude ai predicti ministri e ditte spese montano assai fiade più di quello monta el dazio et vien in la Signoria nostra, cosa veramente insupportabile, però sia preso, che *de cætero*, in cose de le qual se vengi a pagar de datio e dreto che vegni in la Signoria nostra da ducati 8 in zoso, non se possi, nè debbi tuor spesa alcuna menuda per conto de alcuno de i ditti ministri. Et da fin ducati un e mezzo *ut supra* far se debino le dite spese menude per la mità de le tariffe, sotto le pene sopraditte a quelli tolesseno cosa alcuna contra la forma del presente ordine, el qual se debbe publicare sopra le scale de San Marco et de Rialto, et *etiam* alle Doane nostre a notitia de cadauno.

*Verum*, acciò alcuno dei ditti ministri nostri non siano defraudati de le iuste mercede loro, sia da mò dechiarito che quelli mercadanti che haveranno robe in Doana, el datio de le qual havesse ad excieder el beneficio de le spese menude, non sia